

# Semm in Autünn

Un'ögiada da suu  
travers ai ram di piant.  
Un suu diventaat smortìn,  
piant che dì par dì i sa sbiota  
dai föi che cròda a secà in tèra.  
L'è ümida la tèra dopu un'estaat lunga,  
lunga e seca cume mai  
a fa marüda l'üga di noss runch,  
a ingrossà i risc sotta i spin di noss castegn.  
E dall'ögiada dal suu smort  
salta fö 'l giald dai òrt che mòla 'l cò,  
ecco 'l ross di föi da vigna  
süi firagn tücc vendemmiaat.  
I culuur i giüga cume fai da un pitur  
d'un altru mund.  
L'è l'autünn!  
Al büi ul vin növ denta la tina,  
al bagnarà i mundell fai là  
sül fööch di legn sech dal ann passaat,  
a gòd i castegn cuturaat dai risc doraat.  
Vegnarà l'invernu  
e güstaremm la bülbura di zücch.

Settembre 2015

